

txom lawm tiag mas tus poj niam no thiaj txov nws tus kheej txoj sia, tus txiv neej yuav tsum tau muab \$1,200.00 nrog ib rooj caw mus kho cov neej tsa los yog tus poj niam tuag ntawd tsev neeg thiab yuav tsum tuaj ua qab tu kom dab qhuas ntxhee.

B. Yog tias ib tug txiv tsev, txiv neej los hluas nraug Hmoob tau txov nws tus kheej txoj sia. Tsis tau txhai tias tus niam tsev, poj niam los tus hluas nkauj muaj los tsis muaj kev txhaum saum tsoom fwv txoj cai, yog hais tias qhov teeb meem tus txiv neej no tuag yeej muaj pov thawj thiab paub tseeb lawm tias:

1. Yog tus poj niam tau tsim txom tus txiv neej yam muaj pov thawj pom tseeb tias tus poj niam yeej tsim txom lawm tiag, tus txiv neej no thiaj txov nws tus kheej txoj sia. Tus poj niam yuav tsum tau muab \$1,200.00 nrog ib rooj caw mus kho cov kwv tij los tus txiv neej tuag ntawd tsev neeg, thiab yuav tsum tuaj ua qab tu kom dab qhuas ntxhee.

2. Ib txwm nkauj nraug twg sib tsim txom ib tug tuag lawm, yog muaj pov thawj tus neeg tsim txom ntawv yuav tau kho tus tuag \$1,200.00. Yog ob leeg tuag lawm ces txhais tau tias plaub ntug tag lawm nyias tha nyias tus.

C. Yog tus hluas nkauj tau tsim txom tus hluas nraug yam muaj pov thawj pom tseeb lawm tias tus hluas nkauj yeej tau tsim txom lawm tiag, tus hluas nkauj yuav tsum tau tshwm ib rooj cawv thiab \$1,200.00 mus kho tus hluas nraug niam thiab txiv los yog cov kwv tij. Thaum mus kho li no tag lawm kev dab kev qhua yuav tsum yog tus hluas nraug niam thiab txiv thiab cov kwv cov tij yog cov nta lub ntees ntawm tus hluas nkauj.

D. Yog tus hluas nraug tau tsim txom tus hluas nkauj yam muaj pov thawj pom tseeb lawm tias nws yeej tau tsim txom lawm tiag nws yuav tsum tau tshwm ib rooj cawv thiab \$1,200.00 mus kho tus hluas nkauj niam thiab txiv los yog tsev neeg. Thaum mus kho li no tag lawm kev dab kev qhua yuav tsum yog tus hluas nkauj niam thiab txiv tsev neeg yog cov los nta lub ntees.

### **TSHOOJ III: Tuag Hom Tsis Yog Txhob Txwm**

Txhais tias ib tug neeg twg raug tuag hom uas yeej tsis muaj kev txhob txwm thaum muaj kev puas ntsoog li no, yuav teev tsis tau tus nqi nyiaj coj los sib kho. Yuav muab ob tog coj los sib kho kom muaj kev haum xeeb.

### **TSHOOJ IV: Sib Ntaus Raug Mob / Nqaij Ntuag Ntshav Nrog**

A. Yog neeg sib ntaus raug mob, nqaij ntuag ntshav nrog. Tus neeg los cov neeg no tsis yog poj tub se. Tsis tau txhais tias tus neeg ntaus ntawv muaj los tsis muaj kev txhaum saum tsoom fwv txoj cai, yog hais tias qhov teeb meem no yeej muaj pov thawj thiab paub tseeb lawm. Tus neeg ntaus ntawd yuav tsum tau muab \$720.00 thiab ib rooj cawv mus kho tus neeg raug mob ntawd.